

ORDENANZA FISCAL NUMERO T4

**Taxa pola utilización privativa ou aproveitamento especial do dominio público local
mediante elementos constructivos**

Artigo 1º. Concepto e fundamento legal. Feito imponible.

De conformidade có previsto no artigo 57, en relación có artigo 20.1 A), ambos do Real Decreto Lexislativo 2/2004 que refunde a Lei 39/1988, do 28 de Decembro, reguladora das Facendas Locais, este Concello establece a taxa pola utilización privativa ou aproveitamento especial do dominio público local con elementos constructivos pechados, terrazas, miradoiros, balcóns, marquesiñas, toldos, paraventos e outras instalacións semellantes, voladizas sobre as vías públicas ou que sobresaian da liña da fachada, así como instalacións de reixas de pisos, lucernarios, respiradoiros, portas de entrada, bocas de carga ou elementos análogos que ocupen o solo ou subsolo de toda clase de vías públicas locais, para dar luces, ventilación, acceso de persoas ou entrada de calquera tipo de artigo a sotos ou semisotos, que se rexirá pola presente Ordenanza.

Artigo 2º. Suxeito pasivo e responsables da taxa.

1. Son suxeitos pasivos da taxa regulada nesta Ordenanza, en concepto de contribuintes, as persoas físicas e xurídicas, así como as entidades a que se refire o artigo 35.4 da Lei Xeral Tributaria, que disfruten, utilicen ou aproveiten especialmente o dominio público lcoal en beneficio particular mediante calquera dos elementos descritos no artigo 1º desta Ordenanza, obtivesen ou non a concesión, autorización ou licencia municipal preceptiva.
2. Responsabilizaranse da debida tributaria xunto os suxeitos pasivos ou debedores principais:
 - a) Solidariamente as persoas a que se refiren os artigos 41 e 42 da Lei Xeral Tributaria.
 - b) Subsidiariamente as persoas a que se refire o artigo 43 da Lei Xeral Tributaria.

Artigo 3º. Cota tributaria.

1. A cota tributaria da taxa regulada nesta Ordenanza resultará de aplicar unha das seguintes tarifas, nas que o elemento temporal, agás que se indique outro distinto, é o ano natural.

— Tarifa primeira. Ocupación con terrazas, miradoiros, balcóns ou calquera outro elemento constructivo pechado análogo, voladizas sobre as vías públicas ou que sobresaian da liña de fachada: 5,00 euros por metro cadrado e ano.

— Tarifa segunda. Ocupación con marquesiñas, toldos, paraventos e outras instalacións semellantes, voladizas sobre as vías públicas ou que sobresaian da liña de fachada: 5,00 euros por metro cadrado e ano.

— Tarifa terceira. Ocupación con reixas de pisos, lucernas, respiradoiros, portas de entrada, bocas de carga ou elementos análogos que ocupen o solo ou subsolo de toda clase de vías públicas locais, para dar luces, ventilación, acceso de persoas ou entrada de artigos ó soto ou semisoto: 15,00 euros por cada elemento e ano.

Artigo 4º. Normas de xestión.

1. A taxa regulada por esta Ordenanza xestionarase a través do padrón que pola Administración de Rendas se formará anualmente con inclusión de tódalas utilizacións e aproveitamentos autorizados que non causasen baixa con anterioridade ó 1º de Xaneiro de cada exercicio.
2. Constitúese como obriga tributaria formal para o suxeito pasivo a declaración de alta, variación e baixa da utilización ou aproveitamento a través do modelo impreso oficial que se facilitará pola Administración de Rendas municipal.
3. Sen prexuízo de cando establece o número 2 anterior, polos servicios técnicos municipais, con ocasión do outorgamento de licencias de primeira ocupación, daráse traslado a Administración municipal de Rendas da produción do feito imposible desta taxa.

Artigo 5º. Dereito á percepción da taxa.

Nacerá o dereito á percepción da taxa regulada por esta Ordenanza o 1 de Xanero de cada ano, coincidindo o período impositivo co ano natural, salvo nos supostos de inicio ou cese do aproveitamento ou utilización, neste caso o período impositivo axustarase a esa circunstancia con prorrato semestral de cotas.

Artigo 6º. Infraccións e defraudacións.

Califícase como infracción tributaria simple e incumprimento das obrigas tributarias formais a que se refire o artigo 4º.4 desta Ordenanza. Tales infraccións serán

sancionadas cunha multa de 6,01 a 901,52 euros por cada infracción simple cometida. Cualifícase como infracción tributaria simple non poñer a disposición dos Servizos Técnicos ou da Policía Local o xustificante ou documento de autorización cando lle sexa requerido nas funcións de control, inspección e vixilancia.

Artigo 7º. Outras normas de aplicación.

1. As persoas ou entidades interesadas na concesión da utilización ou aproveitamento gravados segundo o disposto nesta Ordenanza deberán solicitar previamente a correspondente licencia, con tres días hábiles de antelación, realizar o depósito previo da taxa e formular declaración na que conste a superficie afectada e as datas inicial e final de dita ocupación solicitada. No suposto de actuacións por emerxencia ou actuacións urxentes por motivos de seguridade ou salubridade pública deberá procederse a presentar a solicitude tan pronto como sexa posible, xunto con un plano estimado de superficie afectada e prazo estimado de ocupación. Unha vez realizadas as labores preventivas procederase á subsanación da solicitude e xiraranse as liquidacións complementarias que procedan. A notificación poderá retirarse persoalmente nas oficinas municipais ata o día hábil inmediato anterior á data declarada de inicio de ocupación, en caso contrario notificarse polo servizo de Correos.
2. Os servizos técnicos do Concello e a Policía Local comprobarán e investigarán as declaracións formuladas polos interesados, concedéndose as autorizacións ou notificando as diferencias ou deficiencias observadas, non concedéndose neste último caso as autorizacións ata a súa subsanación e realizados os ingresos complementarios que procedan. No suposto de detectarse ocupación máis aló da data final declarada, considerarase unha ocupación nova sen autorización.
3. Non se consentirá a ocupación da vía pública ata que se teña aboadado a taxa e se teña obtido a correspondente licencia polos interesados. O incumprimento deste mandato poderá dar lugar á non concesión da licencia, sen perxuizo do pago da taxa e das sancións e recargos que procedan.
4. A ocupación autorizada non poderá obstaculizar o paso a espacios de uso común (xardíns, áreas peatonais, aparcamentos, accesos a garaxes, accesos a inmobles) ou o tránsito de vehículos e peóns salvo no que fora expresamente autorizado.
5. Deberán quedar libres para a súa inmediata utilización, se fose necesario, os elementos de servizos públicos tales como bocas de rego, rexistros de sumidoiros, saídas de emerxencia, arquetas de rexistro de servizos e análogos, así como o mobiliario urbán de uso e servizos, salvo que expresamente se autorizara o contrario e baixo o estrictamente autorizado.

Disposición derradeira. Entrada en vigor e comezo de aplicación da Ordenanza.

A presente Ordenanza entrará en vigor ó día seguinte ó da súa publicación no “Boletín Oficial da Provincia de Lugo” e comenzará a súa aplicación na mesma data.

DILIXENCIA: a presente Ordenanza foi modificada no seu artigo 3 por acordo plenario de 19 de xaneiro de 2009 e publicado no BOP número 29 de 5 de febreiro de 2009

DILIXENCIA: a presente Ordenanza foi modificada nos seus artigos 3, 6 e 7 por acordo plenario de 9 de novembro de 2011 e publicado no BOP número 299 de 31 de decembro de 2011